

К ОПУБЛИКОВАНИЮ

КОМИ РЕСПУБЛИКАЛӦН ОЛАНПАС

**«Коми Республикаын уджын зэв тӧдчана йӧзлысь,
нимӧдана йӧзлысь паметсьӧ, а сідзжӧ историяын лоӧмторьяссӧ
да казтылан кадпасьяссӧ нэммӧдӧм йылысь»
Коми Республикаса Оланпасӧ вежсьӧмьяс пыртӧм йылысь**

Примитӧма Коми Республикаса
Каналан Сӧветӧн

2022 вося вӧльгым тӧлысь 30 лунӧ

1 статья. Пыртны «Коми Республикаын уджын зэв тӧдчана йӧзлысь, нимӧдана йӧзлысь паметсьӧ, а сідзжӧ историяын лоӧмторьяссӧ да казтылан кадпасьяссӧ нэммӧдӧм йылысь» Коми Республикаса Оланпасӧ (Коми Республикаса канму власьт органьяслӧн индӧд-тшӧктӧмьяс, 2012, 65 №, 1579 ст.) татшӧм вежсьӧмьяс:

1. 1 статьяса 4 пунктын «(юбилейнӧй)» кыв киритны.
2. 7 статья гижны тадзи:

«7 статья. Гажӧдчан луньяс да казтылан кадпасьяс урчитӧм

1. Коми Республикаын гажӧдчан луньяс урчитӧмӧн нэммӧдӧны историяын лоӧмторьяссӧ да казтылан кадпасьяссӧ Коми Республикаса оланпасӧн сэк, кор урчитӧны гажӧдчан луньяс, кутшӧмьяс лоӧны уджавтӧм луньясӧн, найӧс нэммӧдӧ Коми Республикаса Юралысь – сэк, кор урчитӧны гажӧдчан луньяс, кутшӧмьяс оз лоны уджавтӧм луньясӧн.

2. Коми Республикаын казтылан кадпасьяс урчитӧмӧн Коми Республикаса Юралысь нэммӧдӧ историяын лоӧмторьяссӧ да казтылан кадпасьяссӧ.

3. Коми Республикаса Юралысь индӧ гажӧдчан луньяс да казтылан кадпасьяс урчитан пӧрадксӧ.».

2 статья. Тайӧ Оланпасыс вынсялӧ сійӧс официальной йӧзӧдан лунсянь.

Коми Республикаса Юралысьлы лӧсьӧдны ассьыс нормативнӧй инӧда актьяссӧ тайӧ Оланпас серти.

Коми Республикаса Юралысь

В.В. Уйба

Сыктывкар
2022 вося ӧшым тӧлысь 5 лун
108-РЗ №